

TSHEDIMOŠO YA MORAGORAGO YA DIKGOGO TŠA PITŠAPEDI

Tshwane, 19 Nofemere 2024 – Ditirelo tša Motšhelo tša Afrika Borwa (SARS) di lakatša go tsebiša ka ga mpshafatšo ya palomoka ya palo ya ditaelotša motšhelo tšeo di amogetšwego tša mabapi le dikgogo go tšwa go Kholego ya Kgogo ya Dipolokelo ka fase ga mokgwatšhomo wa pitšapedi. Ge e sa le e thongwa, SARS e lemogile gore go bile le koketšo ya godimo le dikgopelo tše dintši tša ditaelo tša motšhelo, se se laetša ditlhohlo tša ekonomi tšeo di lebanwego ke malapa.

Go tloga kala 18 Nofemere 2024, palo ya 2,153,942 ya kgopelo ya ditaelo e amogetšwe gomme ke palomoka ya ditaelo tše 1,914, 306 tšeo di ntšhitšwego ka palomoka ya kroso ya boleng bja R35 052 572 876.62.

Phapano magareng ga dikgopelo tša ditaelo le ditaelo tše di ntšhitšwego e laetšwa ka mokgwa wo:

- Dikgopelo tše 169 509 di gannwe ka mabaka a go fapana, go tloga ka mabaka a go se šome gabotse ga disesteme go tšwa go ditheo tša taolo ya dikhwama go ya go nomoro ya go fošagala ya motšhelo, bjale le bjale.
- Ditaleo tše 41 523 di gannwe ka lebaka la tšhelete ya go tlhabela, dikhoutu tša go fošagala.
- Ditaelo tše 28 525 di khansetšwe ke balefela motšhelo bao ba fetotšego megopolo.

Go ya le maikemišetšo a SARS a gore balefela motšhelo ba diriše dikanale tša ditšithale, SARS e tloga e thakgetše go bega gore khalikhuleitha ya rena go akanya ya WhatsApp e dirišitšwe makga a 53,693 ge e sa le tshepetšo e phethagatšwa. Khalikhuleitha ya go akanya e wepsaeteng ya SARS, gomme ke karolo ya mokgwatšhomo wa rena wa *SARS Online Query System*, yona e dirišitšwe makga a 850 375. SARS gape e amogetše dipotšišo tše 102 839 ka kanale ya tirišo ya lentšu, le diketelo tše 17 627 makaleng. Kanale ya USSD e amogetše palo enngwe ya 66 048.

SARS e dula e ikgafile go ya ka melawana le boleng bjo bo laeditšwego go ditebo tša maano a rena, ao e lego go fa balefela motšhelo ba rena fa balefela motšhelo ba rena tiišetšo le hlathollo ka ga merero ya bona ya motšhelo le go ba nolofaletša gore ba obamele. Balefela motšhelo ba hlohleletšwa go tšwelapele go diriša dikanale tša ditšithale, tšeo di lego bonolo, gape di dirišegago gabonolo. Go diriša dikanale tše go ra gore balefela motšhelo ga ba hloke go tlogela magae a bona goba mafelo a mošomo go yo ema methalading ya go hloka seriti.

Mošomo wo o šetšego o phethagaditšwe ke SARS go fihla gabjale ke o mogolo kudu ka lebaka la tirišanommogo e botse le ditheo tša taolo ya dikhwama tša phenšene. SARS e rata go leboga ditheo tšeo di ralokilego karolo e kgolo go mokgwatirišo wa motšhelo ka lebaka la go sepetša mešomo ya bona ka bothakga bja boprofešenale gomme se se kgontšhitše SARS go raloka karolo ya yona ka go fana ka ditaelo tša motšhelo tšeo di hlokegago ka phethagalo le lebelo.

Khomišinare Edward Kieswetter o lemošitše balefela motšhelo go efoga ditiragalo dife goba dife tšeo di ka amanago le bomenetša cautionedditiragalo dife goba dife tšeo di ka amanago le bomenetša gomme o gateletše bohlokwa bja go diriša boitšhupo bja maleba le nomoro ya motšhelo tša go nepagala ge ba dira kgopelo ya kholego ye. SARS e hlohleletša obamelo ka boithaopo, gomme, ka mokgwa wo, e fana ka boikgethelo bjo bontši bja dikgokaganyo go wepsaete ya SARS go fihlelela tebo ye.

Go hwetša tshedimošo enngwe, ka kgopelo ikgokaganye le SARS go SARSMedia@sars.gov.za

